

庠生閻一善妻王氏孟津人夫歿氏年二十九事舅姑以孝稱訓二子俱有聲學校守節三十年雍正十二年旌表

謝振邦妻李氏登封人崇貞末流寇破城振邦罵賊不屈被賊剖腹死氏年二十七抱土掩屍賊欲脇之去氏以頭觸柱血流濺衣賊知不可奪乃捨去氏截髮塗面攜二子逃竄卒成完節課諸孫皆成名登賢書者二人苦節六十二年雍正十二年旌表

耿晚妻孫氏登封人夫歿氏年二十五事翁姑孝謹訓弱子成立守節三十二年雍正十二年旌表

韋履禧妻王氏永寧人夫歿氏年二十五奉姑盡孝